



TOSHKENT DAVLAT YURIDIK UNIVERSITETI REKTORINING B U Y R U G ' I

06.11.2023

659-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va boshqa ichki hujjatlarni buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti talabalari Odob-axloq kodeksi qoidalari bilan tanishtirilgan bo'lishiga qaramasdan, 2023-yil 28-oktabr kuni soat taxminan 20:00 larda Universitetning 2-sonli Talabalar turar joyining 2-qavatdagi oshxonasida fakultetning 3-kurs talabasi Axunova Diyora Ulug'bek qizi va 4-kurs talabasi Sultonova Shaxloxon Qudratjon qizi o'rtasida o'zaro kelishmovchilik chiqqan. Xususan, Sh.Sultonova oshxona eshigini ochiq qoldirgan, D.Axunova oshxona eshigini yopib yurish kerakligini aks holda yog' hidi yashash xonalarga kirishini jahl qilib Sh.Sultonova qarab aytgan, Sh.Sultonova "nima qarash bu" deb aytganda D.Axunova "qarashimdan tushunmadingmi, 4-kurssan o'qishingni eson omon tinchgina tamomlab ketgin deb" baland ovozda gapirgan. Natijada Sh.Sultonova qo'lidagi vilka va gugurtini D.Axunovaga qarata otgan va ular bir birlarini sochidan tortib janjallashgan.

Universitetning 2-sonli Talabalar turar joyi mudiri-kompleks rahbari N.Shauzakovning 2023-yil 30-oktabrdagi bildirgisida talabalar D.Axunova va Sh.Sultonovalar bir birlarining sochlaridan tortib yoqalashib ketganligi ma'lum qilingan.

Mazkur holat yuzasidan D.Axunova o'z tushuntirish xatida Sh.Sultonova bilan 2-sonli Talabalar turar joyining 2-qavatdagi oshxonasida o'zaro kelishmovchilik natijasida janjallashganliklarini qayd etgan.

Mazkur holat yuzasidan Sh.Sultonova o'z tushuntirish xatida D.Axunova bilan 2-sonli Talabalar turar joyining 2-qavatdagi oshxonasida o'zaro

kelishmovchilik natijasida janjallashganliklarini qayd etgan.

Yuqoridagi holatlarni voqeaga guvoh bo'lgan fakultetning qo'shma ta'lim (Grodno) 3-kurs talabasi N.Bozorova o'z tushuntirish xatida tasdiqlagan.

Mazkur holatlarni 2-sonli Talabalar turar joyining 2-qavatdagi oshxonasidagi kamerada qayd etilgan video tasvirlar ham tasdiqlagan.

Talabalar Sh.Sultonova va D.Axunovalar mazkur harakatlari bilan TDYU Odob-axloq kodeksi 17-moddasi 4-xatboshisi (tinchlik yoki osoyishtalikka qarshi tajovuz qilish va janjallashish taqiqlanadi), 18-moddasi 2-xatboshisi (xodim va talabalar o'zaro munosabatlarda inson qadr-qimmatiga hurmatsizlik, shaxsiyatni kamsitish, o'zganing intellektual mulki yoki boshqa ijod mahsulini ruxsatsiz o'zlashtirib olish, qo'pollik, behayo so'zlar ishlatish, mushtlashish qat'iyan man etiladi) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 17-moddasi 4-xatboshisi, 18-moddasi 2-xatboshisi hamda universitetning Ichki tartib qoidalari (ichki mehnat tartibi qoidalari) 83-bandiga asosan

BUYURAMAN:

1.Universitet Odob-axloq kodeksi 17-moddasi 4-xatboshisi va 18-moddasi 2-xatboshisi talablarini buzganligi uchun universitetning Xalqaro huquq va qiyosiy huquqshunoslik fakulteti 4-kurs talabasi Sultonova Shaxloxon Quadratjon qizi hamda 3-kurs talabasi Axunova Diyora Ulug'bek qiziga hayfsan e'lon qilinsin.

2. Fakultet dekani (D.Umarxanova):

mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'majildiga buyruq nusxalari tikilishini ta'minlasin.

3.Mazkur buyruq bajarilishini nazorat qilish prorektor A.Hashimxonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Direktor

SH.PO'LOTOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Katta yuriskonsult

A.TURSUNOV

